



KJKP "SarajevoGAS"

Ul. M. ef. Pandže 4, 71000 Sarajevo

Tel.: ++387 71 445135, 445120, 670251, 472547; Fax.: ++387 71 443721

Na osnovu člana 4., 5., i 7. Odluke o gradskoj gasnoj mreži ("Službene novine grada Sarajeva" broj 20/78,8/89,13/90,14/91 i 6/93), Upravni odbor KJKP "SarajevoGAS"-a Sarajevo na prijedlog direktora KJKP "SarajevoGAS"-a i na osnovu člana 41 Statuta KJKP "SarajevoGAS" –a Sarajevo na sjednici održanoj dana 20. 09. 2001 godine, donio je

P R A V I L N I K
o uspostavi vođenja Registra opreme koja se može ugrađivati
u gasne instalacije koje se uključuju u gasni sistem
KJKP "Sarajevogasa"

Član 1.

Ovim Pravilnikom o uspostavi i vođenju registra opreme koja je dozvoljena za ugrađivanje u gasne instalacije koje su predviđene za uključivanje u gasni sistem kojim upravlja KJKP "SarajevoGAS", (u daljem tekstu: Gasne instalacije), utvrđuju se: uslovi i postupak provjere saobraznosti materijala i opreme koja se ugrađuje u gasne instalacije, sa relevantnim standardima; postupak provjere obezbjedjenja uslova za ispravnu ugradnju, puštanje u pogon i održavanje i postupak upisa u registar odobrene opreme i materijala kojeg uspostvlja i vodi KJKP "SarajevoGAS".

Pod relevantnim standardima, u smislu ovog Pravilnika, smatraju se standardi za predmetnu opremu ili materijal i to :

- BH standardi,
- EN standardi ukoliko ne postoje BH standardi ,
- DIN standardi ukoliko ne postoje niti BH standardi niti EN standardi,
- NEN standardi za opremu i materijale koja je ugradjena do usvajanja Pravilnika, a koja ima –
-GIVEG ili GASTEC oznaku.

Član 2.

KJKP "Sarajevogas" će odobriti primjenu materijala i opreme za ugradnju u gasne instalacije nakon što utvrdi:

- da materijali i oprema odgovaraju zahtjevima i specifikacijama koje su utvrđene u relevantnim standardima i da o tome postoje dokazi BH Instituta za standardizaciju ili druge institucije koju je za ove poslove ovlastio nadležni državni organ,
- da postoji uputstvo za ugradnju, rukovanje i održavanje na jednom od jezika BH,
- da su obezbijedjeni uslovi za stručnu ugradnju, servisiranje i održavanje opreme u garantnom i vangarantnom roku.

Član 3.

Zahtjev za provjeru ispunjenja uslova iz člana 2. Ovog Pravilnika podnosi "SarajevoGAS" proizvođač opreme ili od njega opunomoćeno lice.
Iznimno, zahtjev može podnijeti i uvoznik, odnosno preduzeće koje vrši prodaju ili ugradnju.

Član 4.

Uz zahtjev se prilaže:

- certifikat nadležne državne institucije (Institut za standardizaciju BiH) ili
- certifikat izdat od institucije koju je ovlastio nadležni državni organ,
- dokaz o obezbjeđenju uslova za kvalitetno, blagovremeno stručno puštanje u pogon, održavanje i servisiranje (obezbjeđenje servisa i rezervnih dijelova ako uređaj podliježe servisiranju)

U zahtjevu je obavezno navesti područje primjene, smjernice i standarde po kojima je proizvod konstruisan, kao i model kontrole kvaliteta u proizvodnji kojim se obezbjeđuje saobraznost svakog komada sa ispitanim uzorcima, kao i vremenski period za koji se traži odobrenje.

Član 5.

Za provjeru ispunjenje uslova direktor KJKP SarajevoGASa će formirati komisije po određenim specijalističkim oblastima.

Komisije će provjeravati valjanost dokumentacije i na temelju toga donositi zaključak o odobravanju ili neodobravanju ugradnje predmetnog materijala i opreme u gasne instalacije koje se priključuju na distributivnu mrežu KJKP "Sarajevogasa".

Član 6.

Na osnovu sprovedenog postupka "SarajevoGAS" će obavijestiti podnosioca zahtjeva o upisu predmetne opreme ili materijala u registar odobrene opreme imaterijala za ugradnju u gasne instalacije ili o odbijanju sa obrazloženjem takve odluke.

U obavijesti o upisu predmetne opreme ili materijala u Registar odobrene opreme i materijala za ugradnju u gasne instalacije (u daljem tekstu Odobrenje).

Rok za sprovedjene postupka je 120 dana od dana dostave zahtjeva sa dokumentacijom.

Član 7.

Odobrenje se može izdati za ispitani tip uređaja, ili eventualno za samo jedan uređaj, ukoliko je izvršeno pojedinačno tipsko ispitivanje.

Član 8.

Nakon što je izdato Odobrenje, predmetni materijal ili oprema se upisuje u Registar odobrene opreme. U Registar se unose svi identifikacioni podaci i rok važenja Odobrenja.

Član 9.

Troškove sprovođenja postupka snosi podnosioc zahtjeva.

Član 10.

Svaka promjena na funkcionalnim ili sigurnosnim elementima povlači obavezu dodatnih ili ponovnog ispitivanja.

Član 11.

Ukoliko u roku važenja Odobrenja nastupe okolnosti gubitka uslova za uredno održavanje i servisiranje, a isto je, prema vrsti uređaja, potrebno, uređaj će se brisati iz Registra odobrene opreme.

Uređaj se može brisati iz Registra odobrene opreme i ukoliko se utvrde promjene u proizvodnji koje mogu imati uticaja na funkcionalnost i sigurnost proizvoda.

Član 12.

KJKP "SarajevoGAS" će uspostaviti poseban Registar zatečene opreme koja nije upisana u Registar odobrene opreme zbog izostanka saradnje proizvođača, a koja se može i dalje koristiti u instalacijama koje su uključene u gasni sistem.

U poseban registar može biti upisana oprema:

-koja je ugradjena do konca 2001. godine

-koja zadovoljava sve zahtjeve sigurnosti relevantnih standarda, što se dokazuje ispitnim izvještajem, koji će ovlaštena institucija ispostaviti na temelju laboratorijskih ispitivanja koja će sprovođiti u okviru organizovane akcije tehničkog pregleda unutrašnjih gasnih instalacija.

Oprema koja se nalazi u ovom Registru ne smije biti stavljana u promet niti se smije demontirati i monirati na drugo mjesto, a ovaj Registar će imati samo interni karakter.

ZAVRŠNE ODREDBE

Član 13.

Ovaj Pravilnik će biti objavljen na oglasnoj pločama KJKP "Sarajevogas" a, a preduzeća koja se bave uvozom i prometom ove opreme i materijala će o ovim obavezama biti upoznata putem oglasa u javnim glasilima .

Broj 4136

Sarajevo 20-09-2001



PREDSJEDNIK
UPRAVNOG ODBORA

Zdenko Martinović